

ԱՊՐԲԵՋԱՆԻ ՎԵՐՋԻՆ ՓՈՐՁԱՔԱՐԸ

Ինչպե՞ս կը պատասխանի Ռուսաստանը

Ս. Էվոյեան

1

999 թ. Փետրուարին, երբ Ադրբեջանի նախագահ Հեյդար Ալիևը «առողջական» վիճակի վատթարացման պատճառով Թուրքիայի ռազմական հիւանդանոցում, Բաքում, նրա արտաքին յարաբերությունների հարցերով պետխորհրդական Վաֆա Գուլուզադէն հանդէս եկաւ յայտարարութեամբ, ըստ որի Ադրբեջանում կարող են տեղակայուել ամերիկեան կամ ՆԱՏՕի ռազմական յենակետեր, ինչպէս ասենք, թուրքական Ինջիլիքում:

Յայտարարութեանը հետեւած մեկնաբանությունների եւ իրադարձությունների տրամաբանությունը այսօր յուշում է, որ Ա.Մ.Ն.ի, ՆԱՏՕի կամ Թուրքիայի զօրամիտումների յայտնութեան հետեւեալը աղբր-բեջանական տարածքում ոչ թէ որեւէ պետական գործչի կամ քաղաքական ուժի կամքի արտայայտութիւնն է, այլ՝ հեռագնայ ռազմավարութեան ծրագրային մի օղակ, որի իրագործումը կախուած կը լինի հետագայ զարգացումներից եւ կոչուած՝ փոխելու ռազմաքաղաքական կացութիւնը տարածաշրջանում:

Ուշագրաւ է, որ Վ. Գուլուզադէի յայտարարութեանը յաջորդեց երկրի առաջին փոխ-վարչապետ Աբբաս Աբբասովի հարցազրոյցի հրապարակումը «Նեզաւիսիմայա Գազետա» (24.02.99) ռուսաստանեան օրաթերթում, որտեղ հիմնականում արծարծուած էր ռուս-ադրբեջանական միջ-պետական յարաբերությունների հիմնախնդիրները:

թեման: Ընդ որում, երկկողմանի յարաբերությունների բարելաւման հետեւեալը առաջին փոխ-վարչապետը կապում է Ռուսաստանի կողմից իրենց առաջադրած որոշ նախապայմանների կատարման հետ: Մասնաւորապէս՝

ա.- Վերաքննել Ռ.Գ.ից Հայաստանին փոխանցուած 1 մլրդ դոլար արժողութեամբ զենքի հարցը.

բ.- Վերանայել Ռ.Գ.-Հայաստան համագործակցութեան պայմանագրի ռազմական ոլորտին վերաբերող մասը եւ առհասարակ ռուսաստանեան քաղաքականութիւնը տարածաշրջանում՝ ռազմավարական դաշնակցին ճնշելու առումով: Հակառակ պարագայում Ադրբեջանը դիւանագիտօրէն սպառնում է խթանել Վրաստան-Ուկրաինա-Ադրբեջան-Մոլդովա առանցքի կազմաւորման գործընթացը, բարձրացնել Ադրբեջանում տեղակայուած ռազմավարական նշանակութեան Գաբալինեան ռադիոկայանի կա-յանի խնդիրն ի վնաս Ռուսաստանի, այլեւ չստորագրել Ա.Ղ.Հ. «Կոլեկտիւ անվտանգութեան» պայմանագիրը եւ իրաւունք վերապահել այլ երկրների հետ ռազմական համագործակցութիւնը ամրապնդելուն: Հարկ է ընդգծել մի հանգամանք, որ պարզաբանում է Ադրբեջանի քաղաքականութեան առանցքային հիմնախնդիրը Ռուսաստանի հետ յարաբերություններում:

«Ադրբեջանը կնքել է «Կոլեկտիւ անվտանգութեան մասին» պայմանագիրը 1993 թ. եւ վաւերացրել է 1994 թ.՝ յուսալով եւ սպասելով հա-

մարժեք քայլերի: Այդպիսիք չեղան, Ռուսաստանի որոշակի շրջանակներ որդեգրեցին միանշանակօրէն հայամետ դիրքորոշում», ասում է հարցազրոյցում:

Ադրբեջանի առաջին փոխ-վարչապետի խօսքը կարելի էր համարել Վաֆա Գուլուզադէի չափազանց բացորոշ յայտարարութեան դիւանագիտական պարզաբանում, սակայն յաջորդ օրն իսկ Ադրբեջանի պաշտպանութեան նախարար, գեներալ-գնդապետ Սաֆար Աբիւրը հաստատեց Ադրբեջանում Թուրքիայի, ՆԱՏՕի կամ Ա.Մ.Ն.ի ռազմականացման տեղակայման հնարաւորութիւնը՝ արտայայտելով դեկավարութեան պաշտօնական տեսակետը: Միաժամանակ, նա հաստատում է բոլոր այն հակաքայլերը, որոնք նշուել էին փոխ-վարչապետի խօսքում:

Յատկանշական է, որ անդրադառնալով այդ խնդրին՝ ռուսաստանեան մեկնաբանները նշել էին երկու կէտ՝ Գաբալինեան կայանի գործունէութիւնը կը խոչընդոտի ՆԱՏՕի ռազմականացման ռադարային համակարգի աշխատանքը եւ հնարաւոր է, որ Համաշխարհային Դրամատումը Ռուսաստանի պարտքային հարցերը կարգաւորելու եւ վարկեր տրամադրելու դիմաց կարող է պահանջել նոյն այդ կայանի փակումը:

Նշեալ սպառնալիքը Մոսկուայի կողմից ընկալուած է իբրեւ յետ-խորհրդային տարածքի հարաւում Արեւմուտքի կողմից հաստատուելու ռազմավարական ծրագրի իրականացում: Բաքում, իր հերթին, ենթադրելով, որ ինչպէս Մոսկուան, այնպէս էլ Թեհրանը հակաքայլեր կը ձեռնարկեն, որոշում ընդունեց նախագահի ենթակայութեան ներքոյ ստեղծել ռազմական հակահետախուզութիւն:

Փետրուարի 25ին Ադրբեջանում Ա.Մ.Ն. պաշտպանութեան նախարարութեան պատուիրակութիւնը՝ Պենտագոնի ծրագրի ղեկավար Ջ. Վոն Բոնուէյի գլխաւորութեամբ,

սկսեց զանգուածային ոչնչացման զենքի շտաբածման ոլորտում համագործակցութեան ծրագրի իրականացումը, որը նախատեսում է, այսպէս կոչուած, քրեական հետախուզութեան ստեղծումը Ադրբեջանի մաքսային համակարգում:

Ըստ ադրբեջանական աղբիւրների, այդ քայլն ուղղուած է կասեցնելու Ռուսաստան-Իրան երթուղով ռադիո-ակտիւ նիւթերի փոխանակումը: Միաժամանակ, նշում է, որ ամերիկեան ղեկավարութեան այս նախաձեռնութիւնը, հակառակ 907րդ յօդուածի արգելքին, շարունակութիւն կ'ունենայ:

Եւս օրեր անց իսրայէլեան «Եդիոտ Ահարոնոտ» թերթի հրապարակումից յայտնի դարձաւ, որ Իսրայէլը պատրաստուած է Ադրբեջանում տեղակայել ռադարային կայաններ՝ Իրանից արձակուող հրթիռներին հետեւելու նպատակով: Ադրբեջանական լրատուամիջոցները դրական շեշտադրութեամբ այս տեղեկատուութիւնը հիմնաւորեցին երկու երկրների շահերի համատեղմամբ՝ կանխատեսելով գործընկերութիւն ռազմավարական ոլորտում:

Իսկ պետխորհրդական Վաֆա Գուլուզադէն հանդէս եկաւ ընդարձակ խօսքով, որտեղ ադրբեջանական այս նոր խաղերը փորձեց հիմնաւորել Ռուսաստանի կողմից հովանաւորուող հայկական «ագրեսի» ան դիմակայելու պարտադրանքով՝ գրեթէ կրկնելով յայտնի փաստարկներն ու սպառնալիքները:

«Երբ Ե. Պրիմակովը դարձաւ Ռ.Գ. արտգործնախարար, առաջարկեց Ադրբեջանի եւ Ղարաբաղի միջեւ ուղղակի բանակցութիւններ սկսելու գաղափարը: Քաղաքական տեսանկյունից դա նշանակում է ինքնիշխան պետութեան եւ նրա ենթակայի միջեւ իրաւահաւասարութիւն: Այդ գաղափարը խաթարեց խաղաղարար ջանքերը... այժմ Ղարաբաղը գործնականում բռնազաւթուած է միացուած Հայաստանին: Ահա թէ որն է ռուս-ադրբեջանական յարաբերությունների հիմնախնդիրը», -

ընդգծեց Հ. Ալիւի գլխաւոր խորհրդականը:

Վերոշարադրեալ փաստերը, ինչպէս նաեւ Վ. Գուլուզադէի առաջին յայտարարութեանը յաջորդած իրադարձութիւնները ցոյց տուցին, որ Ադրբեջանում թուրքական կամ ՆԱՏՕական ռազմականացման տեղակայելու գաղափարը հիմնաւորելու համար որպէս պատրուակ օգտագործուած է Հայաստանից բխող ռազմական սպառնալիքը դիմագրաւելու, տարածաշրջանում ուժերի յարաբերակցութիւնը հաւասարակշռելու եւ, որ էական է՝ Լ.Ղ. հիմնախնդիրը համաձայն ադրբեջանական շահերի լուծելու անհրաժեշտութիւնը:

Այս ողջ պատմութիւնը կարելի է գնահատել որպէս ադրբեջանական դիւանագիտութեան կողմից ռուսաստանեան ներկայիս բարդ նեղ-քաղաքական կացութիւնը օգտագործելով շանտաժի քաղաքականութիւն՝ յօգուտ ադրբեջանական շահերի: Բայց գոյութիւն ունեն այլ փաստեր եւս, որոնք պարտադրում են այլ դիտանկյունից գնահատել իրավիճակը:

1999 թ. Յունուարին, ըստ աղբր-բեջանական վիճակագրական տուեալների, Համախառն Ներքին Արդիւնքի աճի կշռոյթը նուազել է 2 անգամ, մեղադրագործական արդիւնաբերութիւնը կրճատուել է 42,3 տոկոսով, գրեթէ դադարել է շինարարութիւնը: Այսպէս, դադարեցուել է Landmark-2 ծրագիրը յայտնի «Լուկոյլ» միաւորման կողմից, «Azersun-Holding» թուրքական ընկերութիւնը հրաւիրուել է 300 մլն. դոլար արժողութեամբ շինարարական ծրագրերից եւ այլն:

Միաժամանակ, 1999 թ. Յունուարին շետակիօրէն սրուել է գործադրութեան խնդիրը. աշխատանքը կորցրել է աւելի քան 40 հազար մարդ: Աւելին, սկսուել է աշխատատեղերի կրճատման եւ աշխատավարձերի երկարատեւ չվճարման գործընթացը նոյնիսկ մասնաւոր

արտերկրեայ ձեռնարկ-հիմնարկութիւններում: Ընդ որում, դա վերաբերում է ոչ միայն քարիւղի արդիւնաբերութեան ոլորտին առնչուող ընկերութիւնների ասպարէզից հեռանալուն, ինչպէս, օրինակ, «Իւն-իոն Թեքսիս» ի ներկայացուցչութիւնը, այնպէս էլ երկաթուղու վարչութեանը, «Ագրեմերթի» եւ «ԳՆԿԱՐ» խոշոր հաստատութիւններին:

Եւս մէկ փաստ. միայն Բաքում աւելի քան 200 տեղական եւ արտերկրեայ մասնաւոր կառոյցներ դադարեցրել են իրենց գործունէութիւնը կամ էապէս կրճատել հաստիքները: Ադրբեջանական աղբիւրների համաձայն, միայն Բաքում գործազուրկների իրական թիւը կազմում է 350-400 հազար մարդ, ինչը գումարելով տնտեսական կառուցուածքային ճգնաժամին կարող է ընկերային պայթիւնի պատճառ դառնալ: «1999 թ. սեւ Յունուար»՝ այսպէս են անուանում տարեկիզքը Ադրբեջանում:

Համադրելով վերոշարադրեալ փաստերը՝ դժուար չէ նկատել, որ տնտեսական սուր ճգնաժամը՝ ուղեկցուող գործազուրկութեան կտրուկ աճով, նախորդում է Ադրբեջանի բարձրագոյն ղեկավարութեան քաղաքական յայտարարութիւններին եւ նախաձեռնութիւններին: Միաժամանակ, օտարերկրեայ հաստատութիւնների գործունէութեան անթաքոյց սառեցումը Ադրբեջանում յուշում է այդ երկրի տարածքում որեւէ իրական ձեռնարկի անշահութաբերութեան մասին նրան լաւատեղեակութեանը:

Սոյն լաւատեղեակութեան հանգամանքը եւ քաղաքական յայտարարութիւններում բացայայտ ռազմական բնագաւառի գերակայութիւնը թոյլ է տալիս ենթադրել, որ հասունանում է ռազմավարական շահերի շրջանակներում ռազմաքաղաքական դաշնակիցների ու առաջնահերթութիւնների ճշտման պահը: